



04. februar 2011

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

1. Nunatsinni imigassamik atueriaaserput inuiannut allanut sanilliullugu allaanerunersoq misissuiffigineqarsinnanissaa Naalakkersuisut isumaliutigisinnaanerlugu, allaanerusimappallu sutigut allaassuteqarnerseq tatumunngalu suna pissutaanersoq ilisimatusaatigalugu?

(Inatsisartunut ilaasorta, Malik Berthelsen Siumut)

Tunngavilersuut:

Naluneqanngitsut Nunatsinnut imigassamik eqqussuineq 1980-ikkunniit ullumimut sanilliullugu affaanngupajaarnikuvoq, taamaattoqarneralu soorunami tulluusimaarutissaagaluarpog. Taamaakkaluartog imigassartorsimatilluni ajornartorsiutit inuiaqatigiinni pilersinneqartartut ikiliartorsimannigilat. Tassa imigassamik eqqussuineq millisissimagaluarlutigu ajornartorsiutit sulit taakua utikattuatumik ingerlajuarpog.

Tusagassiorfitsigummi politiillu nalunaarutaanni akulikitsumik avaangunartumik alianartumillu tusartuarpagut angerlarsimaffinni eqqisiviilliornerit, aamma meerartalinni naammattoorneqakulasut, annersaanerit, kinguaassiutitigut atornerluinerit aamma toqutsinerit. Taamaattoqarneralu Nunarput Nunatta avataaniit tusagassiortunit tusagakuluvoq kalaallillu inuiaat nittarsaanniarneqartarlutik ajornartorsiutinut tamakkununga rekordiliisut.

Nunatsinni ajornartorsiuterput naasaanngitsumik taamak annertutigisumik ingerlaannarsinnaanngimmat politikkimisulinitinni sakkussatsinnik atorluarsinnaasatsinnik allaanerusumik nassarniartariaqalersugut isumaqarpunga. Tamatumunngalu aqutissat ilaattut eqqarsaatigineqarsinnaavoq imertariaaserput inuiannit allanit sanilliullugu allanerunersoq ilisimatusaatigalugu misissuiffigineqarsinnaa. Tamatumani naggueqatigut assingusumik ajornartorsiuteqarmata suleqatiginissai assut tulluassagaluarpog.

Imigassamik ajornartorsiuteqarnerput ukiorpassuarni politikkimis eqqartorneqartuarsimavoq suliniuteqarfigineqartarlunilu ajoraluatumillu ajornartorsiutit taamatut annertutigisuaannarsimpput. Taamaattumik ajornartorsiutip tunngaviata paasivinnissaa piffissanngorsorinarsivoq. Politikkimisuligut allat inerneqartarput imigassalli naammassiniarnera soorluuna ajornarnerpaasoq?